

Te mahi arataki hei whakaahei i te pūnaha toiora hinengaro: Ngā kitenga mō te ahunga ki Kia Manawanui

June 2024

He Kupu poto mō ngā kitenga matua

Ko Kia Manawanui Aotearoa 2021 te ‘huarahi mauroa’ a te kāwanatanga-katoa ki te panoni i te huarahi a Aotearoa ki te hauora hinengaro me te toiora. Ka whakatakoto te huarahi i ngā hohenga o te wā poto, o te wā tauwaenga me te wā mauroa hei whakaahei i ngā pūnaha o te hauora hinengaro me te toiora. Ka horahia ēnei hohenga ki raro i ngā pūnaha whakaahei e ono o te Arataki, o te Kaupapahere, o te Tahua Haumi, o te Pārongo, o te Hangarau me te Hungamahi.

Ngā kitenge matua: I runga i te tūtohu ki te hirahira o te arataki taumata-pūnaha, ka aropū tēnei pūrongo ki ngā hohenga wā poto kei raro i te whakaahei o te arataki. I runga anō i ngā uiui 33 ki ngā kaiarataki puta noa i ngā pūnaha o te hauora hinengaro me te toiora, hua ake koinei te pūrongo motuhake tuatahi e whai ana i ngā mōhiotanga e eke ai ki te kōrero, Kia Manawanui Aotearoa. Ko ēnei ētahi o ngā kitenga matua:

He pikiheke ngā whanaketanga hohenga wā poto mō te arataki pūnaha:

Kei te ngana tonu te arataki o te pūnaha whaiora i runga i ōna whakaaaweawe i ngā mahi whakatau. Hāunga tēnei, me noho motuhake, me whai rauemi anō hoki ki te whakaahei i te mana whakatau. Hāunga kāore i te tino kitea ngā hohenga ki te tautoko i ngā Māori whaiora ki te taumata o te pūnaha nā runga i ngā pāhekeheke i te turakitanga o Te Aka Whai Ora.

He tikanga kawekawe mō te Kāwanatanga ngā hononga me ngā haumi tūturu ki ngā whakahaerenga Kaupapa Māori:

Ko te aropū ki te mana taurite te mea nui e whai wāhi tonu ai ngā tāngata whaiora Māori ki ngā whakataunga mō ngā hoahoa me ngā tukutanga ratonga. Ko tā ngā whakahaerenga Kaupapa Māori he whakaaaweawe i te whakaahei me te whanaketanga o ngā huarahi arataki toitū mō ngā kaiarataki whaiora Māori.

Kei reira tonu ngā tauira pūhangaiti o te pūnaha arataki mahitahi:

Ko te kaupapa o Housing First tērā e whakaatu ana i te pānga kaha o ngā huarahi mahitahi ki te oranga o ngā tāngata whaiora, mēnā e tautokotia ana e te pūnaha tika. He tikanga waiwai ngā tauira ki te whakanoho ka taea tonu e ngā kaiwhakarato o Housing First te tautoko i ngā tāngata whaiora. Kia kaha ake hoki te kāwanatanga ki te turaki i ngā ārai e ā nei i ngā tari me ngā ratonga ki te whakamahere, ki te whakatahua me te mahi i roto i te taratahi.

Ka haere tonu ngā tahua pūtea ki te waihanga i ngā āheinga wheako arataki:

Me whai pūtea tonu ngā kaiarataki whaiora, tae atu ki ngā huarahi ki te whanake i ngā huarahi mahi e taea ai e rātou te whiti atu i te mahi 'whakamōhio' ki te mahi 'arataki' i roto i ngā pūnaha o te hauora hinengaro me te toiora.

Mā te Mātauranga Māori hei tūāpapa i ngā hua ki te whakapai ake i ngā putanga mō te Māori:

Me kimi tonu i ngā huarahi Māori mō te Māori ki te whakanoho kei te tutuki tonu ngā putanga, ā, kāore i te herea e ngā tikanga whakaaro o ngā haumanu auraki. Me mahitahi te kāwanatanga ki te Māori ki te whakapai ake i ngā putanga mō ngā tāngata whaiora Māori i roto i te hauora me te whai whare.

Me whai pūnaha whānui tonu ki te huarahi o te mahitahi:

Me mahitahi te kāwanatanga, ngā tari, ngā ratonga me ngā hāpori. Mā te pūnaha whānui e para i te huarahi ki ngā hua pēnei i ngā whakamanatanga raungāwari tae atu ki ngā huarahi whānui e whakanoho ana i te tangata me tōna toiora ki waenga pū.

Ngā whakaaraara

E kātata ana te toru tau o Kia Manawanui me ngā whāinga hohenga o te wāhanga tauwaenga, ka mutu kua tau haere ngā panonitanga ki te pūnaha, kua huri te kāwanatanga ki te waihanga i tōna Rautaki tuatahi mō te Hauora Hinengaro me te Toiora. Kāti, ko tā te pūrongo nei he whakaatu ki te kāwanatanga me whakakaha tonu rātou i ngā pūnaha arataki whaiora i roto i te pūnaha, ka mutu me hautu e rātou ngā mahi arataki puta noa i te kāwanatanga ki te whakatau i ngā take o te hauora hinengaro me te toiora.

Me tere tonu:

1. Ki te whakahaepapa tonu i ngā kaiarataki whaiora Māori i roto i ngā panonitanga ki te pūnaha hauora, whai muri anō i te turakitanga o Te Aka Whai Ora.
2. Kia whai rauemi, kia tautokotia te hanganga whaiora motuhake e hanga tahitia ana me te hapori whaiora.
3. Kia whakamohoa i a Kia Manawanui me ērā atu rautaki, whakamahinga hou rānei e whai ana i ngā rauemi ki te hautu i te mahitahi puta noa i te kāwanatanga ki ngā take o te whakahaepapa i te toiora o te hunga kāore anō i eke ā rātou hiahia.

I roto i penapena mō te anamata:

4. Me whakapūmau ngā whakangungu wete kino me te kura mahora i ngā uara o te whaiora ki te hungamahi me ngā tari.
5. Ki te tuku haumi ma ngā tāngata whaiora Māori tonu hei whakatau, hei hoahoa, hei tuku i ngā hua puta noa i te pūnaha me te whakawhanake i ngā huarahi ki te whakatipu i te hungamahi whaiora.
6. Kia whakarahi ake i ngā rauemi ki ngā whakahaerenga me ngā huarahi kaupapa Māori puta noa i ngā pūnaha o te hauora hinengaro me te toiora. Me whakahaepapa ngā hononga hapori ki te hoahoa me te tuku i ngā tūmahi e whakatau ana i ngā hiahia whai whare me te hauora hoki.
7. Ki te whakawhanake me te whakaputa i ngā inenga ki ngā mahi a te pūnaha o te hauora hinengaro me te toiora i runga i te mahi tahi ki ngā hapori whaiora, kia whai reo anō ai kaiarataki whaiora ki te pūrongo e hāngai ana ki He Ara Oranga.



Te Hiringa Mahara
Mental Health and Wellbeing Commission



**Te Kāwanatanga
o Aotearoa**
New Zealand Government